

ՓՈԽԸՄԲՈՒՆՄԱՆ ՀՈՒՇԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՂԱՍՏՐԻ ԿՈՄԻՏԵԻ ԵՎ ՀԱՅԱՍՏԱՆԻ ԱԶԳԱՅԻՆ
ԱԳՐԱԳՐԱՅԻՆ ՀԱՄԱԼՍԱՐԱՆԻ ՄԻԶԵՎ ԱՐՏԱԴՐԱԿԱՆ ԱՍՊԻՐԱՆՏԱԿԱՆ
ԿՐԹՈՒԹՅԱՆ ԿԱԶՄԱԿԵՐՊՄԱՆ ՄԱՍԻՆ

ք. Երևան

«12» 01. 2024թ.

Հայաստանի Հանրապետության Կադաստրի կոմիտեն (այսուհետ՝ Կոմիտե) ի դեմս ղեկավար Սուրեն Թովմասյանի, և Հայաստանի ազգային ագրարային համալսարան հիմնադրամը (այսուհետ՝ Համալսարան) ի դեմս ռեկտորի պարտականությունները կատարող Հրաչյա Զաքոյանի, որը գործում է Համալսարանի կանոնադրության հիման վրա մյուս կողմից (այսուհետ՝ նաև Կողմեր), կնքեցին սույն փոխըմբռնման հուշագիրը (այսուհետ՝ Հուշագիր) հետևյալի մասին.

1. ՀՈՒՇԱԳՐԻ ՆՊԱՏԱԿԸ

- 1.1. Սույն Հուշագրի նպատակն է Կոմիտեին անհրաժեշտ հետազոտական աշխատանքների իրականացման համար Կոմիտեի համակարգ ներգրավել հետազոտական գործունեություն իրականացնելու ցանկություն ունեցող երիտասարդներին, ինչպես նաև Կոմիտեի աշխատակիցներին տրամադրել ասպիրանտական կրթություն ստանալու և հետազոտական թեզ գրելու հնարավորություն՝ հայցորդության (ասպիրանտուրայի, դոկտորանտուրայի) միջոցով և այն նույն ընթացակարգով, որով անցնում են համալսարան ընդունված ասպիրանտները:
- 1.2. Կոմիտեն, կարևորելով բուհ-պետական մարմին կապը, ոլորտում առկա խնդիրների և դրանց լուծման համար անհրաժեշտ հետազոտական աշխատանքների իրականացումը, հնարավորություն է ընձեռում ոլորտում մասնագիտանալու ցանկություն ունեցող երիտասարդներին, որպես փորձագետ, ներգրավվել Կոմիտեի աշխատանքներին:
- 1.3. Փորձագետ ներգրավելու պատրաստակամությունը պայմանավորված է Կոմիտեի ստորաբաժանումներում անշարժ գույքի նկատմամբ իրավունքների և սահմանափակումների պետական գրանցման, անշարժ գույքի գնահատման, անշարժ գույքի հաշվառման, չափագրման, հողաշինարարության, գեոդեզիայի և քարտեզագրության, ինչպես նաև տեղեկատվական տեխնոլոգիաների ոլորտներում մասնագիտական նոր ռեսուրսների ներգրավման, հետազոտական կարողությունների բարելավման և առկա ոլորտային խնդիրների լուծման արդյունավետության բարձրացման նպատակադրությամբ:

- 1.4. Սույն Հուշագրի շրջանակներում իրականացվող համագործակցությունը հիմնվում է արտադրական ասպիրանտական կրթության կազմակերպման համաշխարհային փորձի վրա և իրականացվում է Կողմերի բարի կամքի, փոխադարձ հարգանքի և վստահության դրսևորմամբ:

2. ԿՈՂՄԵՐԻ ԳՈՐԾՈՂՈՒԹՅՈՒՆՆԵՐԸ

- 2.1. Կոմիտեն, համագործակցելով Համալսարանի հետ, կարող է անհրաժեշտ հետազոտական աշխատանքներն իրականացնել ինչպես իր աշխատակիցների, այնպես էլ որպես փորձագետ ներգրավված աշխատակիցների միջոցով, որպես նախապայման դիտարկելով Համալսարանում նրանց հայցորդությունը կամ ասպիրանտ, դոկտորանտ հանդիսանալու հանգամանքը:
- 2.2. Հայցորդությունը (ասպիրանտուրան, դոկտորանտուրան) Համալսարանում ձևակերպվում է «Հայաստանի Հանրապետությունում ասպիրանտուրայի ընդունելության և ուսուցման, դոկտորանտուրայի և հայցորդության ձևակերպման» կարգի համաձայն:
- 2.3. Անհրաժեշտ հետազոտական աշխատանքներն իրականացնելու և ասպիրանտական կրթություն ստանալու համար կողմերը ցուցաբերում են հնարավոր աջակցություն և ներգրավվածություն, լավագույն արդյունքային ցուցանիշներն ունենալու նպատակով:
- 2.4. Կողմերը կարող են իրականացնել սույն Հուշագրի նպատակներից բխող համապատասխան այլ միջոցառումներ՝ փոխադարձ համաձայնությամբ:

3. ՀՈՒՇԱԳՐԻ ՊԱՅՄԱՆՆԵՐԸ

- 3.1. Հուշագիրը Կողմերի համար չի առաջացնում իրավական և ֆինանսական որևէ պարտավորություն:
- 3.2. Ասպիրանտական կրթություն ստանալու նպատակով Կոմիտեի աշխատակցի Համալսարանում հայցորդության (ասպիրանտուրայի, դոկտորանտուրայի) ձևակերպման և հայցորդներին, ասպիրանտներին կամ դոկտորանտներին, որպես փորձագետ Կոմիտեի համակարգ հնարավոր ներգրավման արդյունքում առաջացող իրավական և ֆինանսական հարաբերությունները կարգավորվում են ՀՀ գործող օրենսդրությամբ և յուրաքանչյուր կողմի ներքին իրավական ակտերով:
- 3.3. Սույն Հուշագրին վերաբերող խնդրահարույց հարցերը Կողմերի միջև լուծվում են բանակցությունների և խորհրդակցությունների միջոցով:

4. ՀՈՒՇԱԳՐՈՒՄ ՓՈՓՈԽՈՒԹՅՈՒՆՆԵՐԻ ԵՎ ԼՐԱՑՈՒՄՆԵՐԻ ԿԱՏԱՐՄԱՆ ԿԱՐԳԸ

- 4.1. Սույն Հուշագրի դրույթների ցանկացած փոփոխություն կամ լրացում պետք է կատարվի Կողմերի փոխադարձ՝ գրավոր համաձայնությամբ:
- 4.2. Յուրաքանչյուր փոփոխություն և լրացում հանդիսանում է Հուշագրի անբաժանելի մասը:

5. ՀՈՒՇԱԳՐԻ ՈՒԺԻ ՄԵՁ ՄՏՆԵԼԸ

- 5.1. Հուշագիրն ուժի մեջ է մտնում ստորագրման պահից և գործում է հինգ տարի ժամկետով:
- 5.2. Հուշագիրը կազմված է հայերեն լեզվով, հավասար իրավաբանական ուժ ունեցող երկու օրինակից: Յուրաքանչյուր Կողմին տրվում է մեկական օրինակ:

6. ԿՈՂՄԵՐԻ ՀԱՅՅԵՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԿՈՄԻՏԵ

ՀՀ կադաստրի կոմիտե
Հասցե՝ ք. Երևան, Արշակունյաց, 7
Ղեկավար՝ Ս. Թովմասյան



ՀԱՄԱԼՍԱՐԱՆ

Հայաստանի ազգային ագրարային համալսարան
Հասցե՝ ք. Երևան, Տերյան փող., 74 շենք
Ռեկտորի պարտականությունները
կատարող՝ Հ. Զարոյան

